



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex capitibus residuis hujus libelli, in quibus
describitur liberalitas Booz erga Ruth, & initum Matrimonium.

[urn:nbn:de:hbz:466:1-61252](#)

citati cap. Si que contigerit: pueram talem vel adolescentem gravium temptationum astu initi Noviatus tempore vexari, aderit ei pariter Christus, cum Booz afferens v. 14. ejusdem cap. Comede panem, & intinge buccellam tuam in aceto. Hoc est: offero tibi præsentissimum inter furentes concupiscentia ardores remedium, Panis Eucharisti buccellam, cum memoria passionis meæ sumendam. Manna, ut docuere præcedentia, existit figura Sacramenti Eucharistia, sed Manna speciem referebat Coriandri albi, habentis hanc proprietatem teste Plini lib. 2. quod comminutum acetoque impositum in summo astatis calore carnem præserves à putredine. Haud secus divinum illud Manna, quod Christus astuanti animæ porrigit, aceto amarissimæ passionis intinctum, ipsam à putredine consensu in tentationem Diaboli & carnis præservat. Hoc optimè perspectum habens S. Bonavent. in cap. 6. Joan. ait: si qui astum patitur, ad hunc venias fontem, & refrigeret astum: etenim incentiva omnia mitigat. Id ipsum Chrysost. confirmare volens, ad effectus, quos fons aquæ gelida in extremis Phæbi ardoribus viatori afferit, sese reflectit, atque hoc Altaris Sacramentum vivo & frigido fonti assimilans, ait homil. 45. in Joan. si quis astuat ad hunc fontem se conferat, & recreabitur, mundat squatores & sordes, astus mitigat non solares, sed quos ignita sagitta imprinunt: & quam felices igitur sunt homines illi, erga quos divinus Booz se tam sollicitum & beneficium exhibit. Si eorum de numero es Christiane Lector, refer debitas illi grates tantisque gratiis per conformem tuæ Regulæ vitam cooperari stude.

Doctrina 3.

Desumpta ex capitibus residuis hujus libelli, in quibus describitur liberalitas Booz erga Ruth, & initum Matrimonium.

N. 238.

Considera, & admirare: quod Booz erga Ruth Moabitidem se tam benevolum demonstrans, ut eam noluerit vacuam redire domum, plus tamen teste S. Scripturæ cap. 3. v. 15. mensus non sit, & posuerit super eam, quam sex modios hordei. Videtur plane hoc factò parsimoniam suam, magis, quam liberalitatem probasse. Verum dubio nostro occurrit Abulensis, responso ad moralem Doctrinam peraccommodò, dicens q. 32. ea de causa illi plus non obtulisse, quod credi-

crediderit, illam plus ferre non posse, quam sex modios. Haud se-
cū erga animas fideles te gerit cœlestis Booz Christus Dominus &
licet enim in conferendis gratiis liberalissimum se profiteatur, plus
tamen singulis non offert, quām cujuslibet subjecti dispositio requi-
rat: hinc optimè ad propositum afferit S. Thomas in psal. 1. sicut
in naturalibus forme infunduntur secundum dispositionem materia, ita Deus
gratuita Dona largitur. In Nuptiis Canæ Galileæ tantum hauserunt
vini miraculose producti, quantum infuderant aquæ, & 4. Reg. 4. im-
peratum est: pete vas vacua. Si vis ergo Christiane, ut in magna
quantitate Deus oleum gratiæ suæ tibi infundat, potentias omnes ani-
mæ tuæ à Mundi amore vacuatas ei offer; crede mibi, ait Didacus Stella
p. 1. c. 1. si tibi Deus non largitur gratias, quas magis suis donavit amici, id
non fieri: quod non sit liberalis sicut tunc, sed quod tu voluntatem tuam non dispo-
nis, sicut illi disponebant. Hinc non priùs animam tuam Christiane Le-
ctor sibi in Sponsam copulabit Christus, antequam sensualem affectum
ad res terrenas abjiciens, cum proximo cognato Ruth dicas v. 6. c. 4.
cedo juri &c. tu meò utere Privilegiò, quòd me libenter cedere profiteor. Ita se ges-
sit Seraphicus Pater Franciscus, qui Christo intimè copulandus, coram
Assisinate Episcopo omnibus renunciavit, ad quæ jus se habere nove-
rat. Imò rejectis etiam vestibūs parenti in terris omnia relinquens, vi-
lissimum induit saccum. Ita se gessit S. Alexius, qui in ipsa nuptia-
rum nocte è domo profugus, in manibus Sponsæ & parentum suo-
rum omnia deseruit, & lacerâ amictus tunicâ ad paternas ædes reversus,
pauperrimam ibidem egit vitam. Ita se gessit S. Elisabetha, quæ lu-
bens libensque honoribüs divitiisque spoliata, non tantum pauperem
viduam, sed pauperum ancillam egit, ad omnia eorum servitia prom-
ptissimam. Ita te geras, si non effectu, saltem affectu: & anima tua
Christo per spirituale matrimonium unita audiet Benedictionem hi-
scæ scripturæ verbis expressam v. 11. hujus capit. faciat Dominus hanc
mulierem, quæ ingreditur domum tuam, sicut Rachel & Liam. Ut sicut illæ
Domum Israël ædificarunt, corporales generando proles, ita anima
tua ædificet Ecclesiam, generando virtutes mediante di-
divinâ gratiâ.

Tr 3

FASCI-